

ԱՅ սահմանադրության նախագծի իրազեկման կենտրոն

Ինչու՞	Ի՞նչն է փոխվում	Ի՞նչ կտա մեզ
<p>1. Պատմական անվանումների վերականգնման անհրաժեշտություն</p> <p>2. Գործող կառավարման համակարգի թերությունները</p> <p>3. Կենտրոնացված իշխանության անհրաժեշտությունը</p> <p>4. Պաշտպանություն և անվտանգություն</p> <p>5. Հասարակական կյանքի զարգացում</p> <p>6. Ժողովրդավարության զարգացումը</p> <p>7. Օրենսդրական նախաձեռնության իրավունքի սահմանափակ շրջանակ</p> <p>8. Ընտրական համակարգի բարեփոխման անհրաժեշտությունը</p> <p>9. ՄԻՊ լիազորությունների ընդլայնման անհրաժեշտություն</p> <p>10. ՏԻՄ բարեփոխման անհրաժեշտությունը</p>	<p>1. Արցախի Հանրապետություն</p> <p>2. Հակակշիռների մեխանիզմների հստակեցում</p> <p>3. Կառավարման համակարգ</p> <p>4. Համակարգման արդյունավետություն</p> <p>5. Երիտասարդների ներգրավվածություն հասաակական կյանքին</p> <p>6. Լայն իրավունքներ ժողովրդին</p> <p>7. Ժողովրդի անմիջական մասնակցություն քաղաքական կյանքին</p> <p>8. Անցում համամասնական համակարգին</p> <p>9. ՄԻՊ լիազորությունների ընդլայնում</p> <p>10. Համայնքների ինքնավարության բարձրացում</p>	<p>1. Նոր հեռանկարներ միջազգային ասպարեզում</p> <p>2. Քաղաքական կայունության առկայություն ականություն</p> <p>3. Ամուր պետականություն</p> <p>4. Պաշտպաված Արցախ</p> <p>5. Հասարակական կյանքում երիտասարդության դերի բարձրացում</p> <p>6. Կայուն ժողովրդավարություն և իրավունքի գերակայություն</p> <p>7. Քաղաքացիական հասարակության կայացում</p> <p>8. Քաղաքական համակարգի կայացում</p> <p>9. Իրավունքի պաշտանության նոր երաշխիքներ</p>

ԱՅ սահմանադրության նախագծի իրագրելման կենտրոն

1. Պատմական անվանումների վերականգնման անհրաժեշտություն

Սահմանադրության նախագծի առաջին հոդվածում նշվում է, որ Արցախի Հանրապետություն և Լեռնային Ղարաբաղի Հանրապետություն անվանումները նույնական են: Հենց այս դրույթն է դարձել բուն քննարկումների առարկա: Բազում պատճառաբանություններ են բերվում ԼՂՀ անվանման պահպանման անհրաժեշտության կամ դրա քիչ գործածության դեպքում առաջ եկող խնդիրների շուրջ: Նախ՝ հստակեցնենք, որ ԼՂՀ անվանումը չի հանվում գործածությունից, այլ նախապատվությունը տրվում է Արցախի Հանրապետություն անվանմանը:

Արցախը մեր երկրի պատմական անվանումն է, ուստի Սահմանադրության այս նախագծով նախապատվությունը տրվում է Արցախի Հանրապետություն անվանմանը: Միջազգային հարթակում Արցախի Հանրապետություն անվանմամբ ներկայանալը նոր շունչ կհաղորդի մեր արտաքին քաղաքականության կառուցմանը, մինչդեռ ԼՂՀ անվանումը առաջացնում է բազմաթիվ վիճաբանություններ միջազգային տարբեր հարթակներում: Կան նաև բազմաթիվ տնտեսական առավելություններ Արցախի Հանրապետություն անվանման գործածման դեպքում: Այդ իսկ պատճառով նոր Սահմանադրության նախագծում հիմնականում գործածվում է Արցախի Հանրապետություն անվանումը:

ԱՅ սահմանադրության նախագծի իրազեկման կենտրոն

2. Գործող քաղաքական համակարգի թերությունները

Գործող կիսանախագահական հանրապետության համակարգի հիմնական բնորոշ առանձնահատկությունն այն է, որ ժողովուրդը ուղղակի ընտրությունների միջոցով ընտրում է երկու մարմիններ՝ Հանրապետության նախագահ և Ազգային ժողով, սակայն նախագահը, փաստորեն, գործադիր իշխանության ղեկավարը չի հանդիսանում: Գործող կառավարման համակարգի հիմնական թերություններն են՝

1. Եթե ԱԺ-ում նախագահը ունի քաղաքական մեծամասնություն, իսկ խորհրդարանում բացակայում են հակակշիռները, մեծանում է քաղաքական մենիշխանության վտանգը, ինչն էլ կարող է հանգեցնել նախագահի բացարձակ իշխանության:

2. Հստակեցված չեն նախագահի լիազորությունները գործադիր իշխանության և Սահմանադրության պահպանման բնագավառում:

3. Առկա է անհրաժեշտություն գործադիր իշխանության դերի, իրավասության շրջանակների և պատասխանատվության հստակեցման բնագավառում:

4. Գործող կառավարման համակարգը չի երաշխավորում գործադիր իշխանության միասնությունը և նրա իրական քաղաքական պատասխանատվությունը:

5. Եթե ԱԺ-ը անվստահություն է հայտնում նախագահի կողմից ձևավորված կառավարությանը, կառավրությունը կարող է ցրվել, իսկ նախագահը, փաստորեն, ոչ մի քաղաքական ու իրավական պատասխանատվություն չի կրում իր կողմից ձևավորած կառավարության գործունեության համար: Ասյախով, կարող ենք ասել, որ կիսանախագահական կառավարման համակարգում քաղաքական պատասխանատվության մեխանիզմները թերի են:

ԼՂՀ առջև ծառայած մարտահրավերները պահանջում են ուժեղ և միասնական գործադիր իշխանության առկայություն, որն ի վիճակի կլինի ինչպես խաղաղ, այնպես էլ պատերազմական իրավիճակում արդյունավետ կենտրոնացնել երկրի ռեսուրսները և օպերատիվ արձագանքել ստեղծված իրավիճակի պահանջներին:

ԱՅ սահմանադրության նախագծի իրազեկման կենտրոն

3. Կենտրոնացված իշխանության անհրաժեշտությունը

Յուրաքանչյուր պատերազմող պետության կարևորագույն խնդիրներից մեկն է ունենալ կենտրոնացված իշխանություն : Ըստ գործող սահմանադրության ԼՂՀ-ն հանդիսանում է կիսանախագահական կառավարման ձև ունեցող պետություն, որը ենթադրում է իշխանության 3 թևերի` օրենսդիր, գործադիր և դատական մարմինների առկայություն , որոնց գործունեությունը հավասարակշռում է պետության գլուխը` հանրապետության նախագահը: ԼՂՀ աշխարհաքաղաքական դիրքը ստիպում է մեզ ունենալ կենտրոնացված իշխանություն, որը պետք է իր ամրագրումը ստանա երկրի հիմնական օրենքում:

Նոր սահմանադրության նախագծում ևս պահպանվում է իշխանությունների տարանջատման սկզբունքը` ավելի ընդարձակելով հանրապետության նախագահի լիազորությունների շրջանակը` նրան վերապահելով նաև գործադիր իշխանության ղեկավարի լիազորությունները, որն իր հերթին հանգեցնում է վերջինիս քաղաքական պատասխանատվության օրենսդիր մարմնի առջև: Նոր սահմանադրության նախագծով լուծում է տրվում ինչպես կենտրոնացված իշխանության անհրաժեշտության , այնպես էլ պետական ապարատի արդյունավետության բարձրացման խնդիրներին: Նոր սահմանադրությամբ նախատեսվում է զինվորական և ռազմական իշխանության կենտրոնացում հանրապետության նախագահի ձեռքում: Վերոհիշյալ ոլորտներում նախագահի լիազորությունների ընդլայնումը հիմք կհանդիսանա ամուր և կայուն պետականության կայացման գործում:

ԱՅ սահմանադրության նախագծի իրազեկման կենտրոն

4. Պաշտպանությունը և անվտանգությունը

Պաշտպանությունը և անվտանգությունը յուրաքանչյուր պատերազմող պետության առաջնահերթությունն է: Գտնվելով մեծ տերությունների շահերի բախման կիզակետում և ունենալով Ադրբեջանի պես հակառակորդ, մենք չունենք այլընտրանք քան հզոր կենտրոնացված իշխանություն ունենալը: Հզոր կենտրոնացված իշխանությունը մեր պետության և ազգի գոյության կարևոր նախապայմաններից մեկն է: Միևույն ժամանակ կարևոր է նաև ունենալ ուժեղ պառլամենտ:

Առաջարկվող նոր սահմանադրության նախագիծը խարսխված է կենտրոնացվաած գերագույն իշխանության և պառլամենտի գաղափարների հիման վրա: Նախագահը լինելով միաժամանակ և գլխավոր գերագույն հրամանատար և քաղաքացիական պաշտպանության շտաբի ղեկավար ավելի արդյունավետ կհամակարգի երկրի պաշտպանությունը հնարավոր արտակարգ իրավիճակի կամ ռազմական դրության պարագայում: Առաջարկվող պետական կառավարման համակարգի փոփոխությունը ապահովելու է ավելի ամուր պետական հիմքեր, որը իր հերթին պետության բնականոն զարգացումը և առաջընթացը:

ԱՅ սահմանադրության Նախագծի իրազեկման կենտրոն

5. Հասարակական կյանքի զարգացումը

Ինչպես բոլոր ժողովրդավարական պետություններում, այնպես էլ մեր պետությունում՝ հասարակական փոփոխությունների հետ մեկտեղ ժամանակ առ ժամանակ նաև սահմանադրական փոփոխությունների անհրաժեշտություն է առաջանում:

Հասարակական կյանքն այնպիսի կենտրոնացված ոլորտ է, որն իր մեջ ներառում է հասարակության տնտեսական, սոցիալական և մշակութային կյանքը, դրանց մեջ հասարակության ներգրավվածությունը: Քանի որ տնտեսական, սոցիալական և մշակութային ոլորտները մարդկանց կյանքի անբաժան մասն են կազմում, ուստի անհարաժեշտ է դրանց օրենսդրական կարգավորումը և ամրագրումը:

Կարևոր է նաև այդ ոլորտում երիտասարդության ներգրավվածությունը, քանի որ այդպես ապահովում է հասարակական կյանքի ամուր զարգացումը: Նախագծում առաջարկվող կարևորագույն լուծումներից մեկը, մի կողմից դասական հիմնական իրավունքների, իսկ մյուս կողմից սոցիալական ոլորտում օրենսդրական երաշխիքների և պետության նպատակների սահմանազատումն է:

ԱՅ սահմանադրության նախագծի իրազեկման կենտրոն

6. Ժողովրդավարության զարգացումը

Սահմանադրության նախագծի կարևոր փոփոխություններից մեկը վերաբերում է մարդու և քաղաքացու հիմնարար իրավունքների և ազատությունների ընդլայնմանը: Մասնավորապես, սահմանադրորեն ամրագրվել են երեխայի իրավունքները, ինքնաբուխ հավաքների, անձնական տվյալների պաշտպանության իրավունքները: Սակայն պետության խնդիրը ոչ միայն իրավունքների ամրագրումը և ճանաչումն է, այլև դրանց իրագործման համար մեխանիզմների և երաշխիքների սահմանումը: Սահմանադրության նախագծի 3-րդ գլուխը ուղղակիորեն նախատեսում է այդ երաշխիքները:

Սահմանադրորեն ամրագրվել է մարդու բարձրագույն արժեք լինելու հանգամանքը, ինչը համահունչ է իրավական և ժողովրդավարական պետության ոգուն, որովհետև յուրաքանչյուր ժողովրդավարական պետության հիմքն է հանդիսանում իրավունքի գերակայությունը:

ԱՅ սահմանադրության նախագծի իրազեկման կենտրոն

7. Օրենսդրական նախաձեռնության իրավունքի սահմանափակ շրջանակ

Գործող Սահմանադրությամբ օրենսդրական նախաձեռնության իրավունքը պատկանում է ԱԺ պատգամավորներին, Կառավարությանը և Նախագահին:

Սահմանադրության նախագծի առանցքային դրույթ է ընտրական իրավունք ունեցող քաղաքացիներ առնվազն 2,5 տոկոսի օրենսդրական նախաձեռնության իրավունք սահմանող նորմը/ Սահմանադրության 122-րդ հոդվածի 2-րդ կետի համաձայն ընտրական իրավունք ունեցող քաղաքացիների առնվազն 2,5 տոկոսը ունի ԱԺ-ին քաղաքացիական նախաձեռնության կարգով օրենքի նախագիծ առաջարկելու իրավունք:

Սա միանգամայն կարելի է համարել ժողովրդի կողմից քաղաքական կյանքին մասնակցելու միջոց, իսկ քանի որ մենք ունենք անելիքներ քաղաքացիական հասարակության գործում, ուստի սա կարևոր խթան է:

ԱՅ սահմանադրության նախագծի իրազեկման կենտրոն

8. Ընտրական համակարգի բարեփոխումները

Սահմանադրական բարեփոխումների առաջարկվող տարբերակում Հանրապետության Նախագահի և Ազգային ժողովի ընտրությունները անցկացվում են միևնույն օրը: Հանրապետության Նախագահի և Ազգային ժողովի ընտրությունները անցկացվում են համընդհանուր, հավասար, ուղղակի ընտրական իրավունքի հիման վրա՝ գաղտնի քվեարկությամբ: Ընտրելու իրավունքով օժտված են 18 տարին լրացած քաղաքացիները: Սահմանադրության բարեփոխված տարբերակում ընտրական իրավունք է վերապահվում նաև դատապարտյալներին, բացառությամբ ծանր և առանձնապես ծանր հանցագործությունների համար դատապարտված անձանց:

Ազգային ժողովի ընտրությունները անցկացվում են համամասնական ընտրակարգով: Համամասնական ընտրակարգի ելությունը կայանում է նրանում, որ ընտրողները քվեարկում են ոչ թե առանձին թեկնածուների, այլ կուսակցությունների օգտին: Համամասնական ընտրակարգի միջոցով հասարակության տարբեր շերտեր՝ էթնիկական, կրոնական կամ ազգային փոքրամասնությունները հնարավորություն են ստանում ներկայանալ Ազգային ժողովում:

Տեղական ինքնակառավարման մարմինների ընտրությունները կարող են անցկացվել ինչպես ուղղակի, այնպես անուղղակի ճանապարհով: Տեղական ինքնակառավարման մարմինների ընտրության անցկացման կարգի վերաբերյալ մանրամասները սահմանվում են օրենքով:

ԱՅ սահմանադրության նախագծի իրազեկման կենտրոն

9. Մարդու իրավունքների պաշտպանի լիազորությունների ընդլայնումը

Մարդու իրավունքների պաշտպանի ինստիտուտի սահմանադրական ամրագրումը կարևոր հենք է ժողովրդավարական պետության կայացման համար:

ՄԻՊ-ի լիազորությունների ընդլայնմամբ նաև ընդլայնվում է մարդու իրավունքների պաշտպանության երաշխիքները: Նախագծով այս կարգավորումները նպատակ ունեն բարելավել և միջազգային իրավական չափանիշներին առավել համահունչ դարձնել ՄԻՊ-ի սահմանադրական հիմքերը, նաև նախատեսվում է ՄԻՊ-ի լիազորությունների տարածումը մասնավոր հատվածի վրա:

ՄԻՊ-ը հանդիսանալով անկախ պաշտոնատար անձ, նրա գործունեության վրա ոչ մի այլ մարմին չի կարող բացասական ներգործություն ունենալ, ավելին՝ պետական և տեղական ինքնակառավարման մարմինների ու պաշտոնատար անձանց վրա դրվում է հստակ պարտականություն՝ ՄԻՊ-ին տրամադրել անհրաժեշտ փաստաթղթեր, տեղեկություններ ու պարզաբանումներ և աջակցել նրա աշխատանքներին, դրանով իսկ ավելի ամրապնդելով մարդու խախտված իրավունքների իրավական պաշտպանության հնարավորությունը:

ԱՅ սահմանադրության նախագծի իրազեկման կենտրոն

10. Տեղական ինքնակառավարման մարմինների բարեփոխման անհրաժեշտությունը

Սահմանադրության նոր նախագիծը փոփոխություններ է նախատեսում նաև տեղական ինքնակառավարման մարմինների համակարգում: Նախագծում ելակետ է ընդունվել տեղական ինքնակառավարման համակարգում ավագանու դերի ամրապնդման անհրաժեշտությունը, ըստ այդմ էլ՝ սահմանվել է համայնքի ղեկավարի պատասխանատվությունը ավագանու առջև: Համայնքի ավագանու դերի բարձրացման մասին է վկայում նաև նախագծում ամրագրված այն դրույթը, ըստ որի համայնքի բյուջեն, համայնքի ղեկավարի ներկայացմամբ, ընդունում է համայնքի ավագանին:

Նախագիծը նախատեսում է, տեղական հանրաքվեներից բացի, համայնքի գործերի կառավարմանը համայնքի բնակիչների անմիջական մասնակցության այլ եղանակներ, որոնք պետք է սահմանվեն օրենքով, ինչը համայնքի բնակիչներին հնարավորություն է տալիս ավելի արդյունավետ ներկայացնել իրենց շահերը տեղական նշանակության հարցերում:

Սահմանադրության նոր նախագիծը նաև լայն հնարավորություններ է ապահովում համայնքի բնակիչների սոցիալական և տնտեսական շահերի ներկայացման համար: Տեղական ինքնակառավարման մարմինների գործունեության արդյունավետության բարձրացման և տեղական